

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO - OPĆINA ILIDŽA
OPĆINSKI NAČELNIK



SLUŽBA ZA RAZVOJ, KOMUNALNE
POSLOVE I PUTEVE

BOSNIA AND HERZEGOVINA
FEDERATION OF BOSNIA AND HERZEGOVINA
SARAJEVO CANTON - MUNICIPALITY OF ILIDŽA
MUNICIPALITY MAYOR

DEVELOPMENT, UTILITY SERVICES AND
ROADS DEPARTMENT

Broj: 04-sl.- 612 /21
Ilidža, 21.04.2021. godine

OPĆINA ILIDŽA

Općinsko vijeće

Stambolić Mirza
3. redovna
sjednica

PREDMET: Dostava Prijedloga Odluke o privremenom umanjuju naknade za korisnike javnih površina i pogodnostima plaćanja dospjelih obaveza

Poštovani,

u prilogu dopisa dostavljamo Vam Prijedlog Odluke o privremenom umanjuju naknade za korisnike javnih površina i pogodnostima plaćanja dospjelih obaveza na usvajanje.

Prilog: - Prijedlog Odluke o privremenom umanjuju naknade za korisnike javnih površina i pogodnostima plaćanja dospjelih obaveza.

S poštovanjem,

Izradio: Mirza Stambolić
Kontrolisao: Zlatko Pilavac

Stambolić Mirza
Pilavac Zlatko

PO OVLAŠTENJU
POMOĆNIK OPĆINSKOG NAČELNIKA

Mirsad Čaušević
Mirsad Čaušević, dipl. ing. arh.

DOSTAVLJENO:

1x Naslovu
1x Služba
1x a/a





Broj: 04-sl.- 607 /21
Ilidža, 20.04.2021. godine



SAGLASNOST:

Općinski načelnik
Nermin Muzur, magistar uprave

OPĆINSKO VIJEĆE

PREDMET: Prijedlog Odluke o privremenom umanjuju naknade za korisnike javnih površina i pogodnostima plaćanja dospjelih obaveza

Poštovani,

na 2. redovnoj sjednici Općinskog vijeća Ilidža održanoj 25.03.2021. godine, na prijedlog Pravobranilaštva općine Ilidža i uvaženog vijećnika Šemse Imamovića, doneseni su zaključci broj: 01-02-1411/21-16.1 i broj: 01-02-1411/21-12a u cilju ublažavanja posljedica izazvanih pandemijom virusa COVID – 19 za 2021. godinu.

Navedenim zaključcima zadužuje se Služba za razvoj, komunalne poslove i puteve da pripremi prijedlog odluke o umanjuju naknade korisnicima javnih površina i mogućnost plaćanja na rate dospjelih a neizmirenih obaveza po istom osnovu.

Shodno tome, u prilogu Vam dostavljamo Prijedlog Odluke o privremenom umanjuju naknade za korisnike javnih površina i pogodnostima plaćanja dospjelih obaveza.

- Prilog: - Prijedlog Odluke o privremenom umanjuju naknade za korisnike javnih površina i pogodnostima plaćanja dospjelih obaveza sa obrazloženjem;
- Mišljenje Pravobranilaštva Općine Ilidža na Prijedlog Odluke o privremenom umanjuju naknade za korisnike javnih površina i pogodnostima plaćanja dospjelih obaveza;
 - Zaključak Općinskog vijeća broj: 01-02-1411/21-16.1 od 25.03.2021. godine
 - Zaključak Općinskog vijeća broj: 01-02-1411/21-12a od 25.03.2021. godine.

S poštovanjem,

Izradio: Mirza Stambolic
Kontrolisao: Zlatko Pilavac

PO OVLAŠTENJU
POMOĆNIK OPĆINSKOG NAČELNIKA

Mirsad Čaušević, dipl. ing. arh.



DOSTAVLJENO:

- 1x Naslovu
- 1x Služba
- 1x a/a



Na osnovu člana 13. alineja 4. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) i člana 86. Statuta Općine Ilidža – Prečišćeni tekst ("Službene novine Kantona Sarajevo", 33/10, 18/16), Zaključaka Općinskog vijeća Ilidža broj: 01-02-1411/21-16.1 tačka 1. od 25.03.2021. i broj: 01-02-1411/21-12a tačka 2. od 25.03.2021. godine, Općinsko vijeće na ___ sjednici od _____ 2021. godine donosi:

PRIJEDLOG

**ODLUKA
O PRIVREMENOM UMANJENJU NAKNADE ZA KORISNIKE JAVNIH POVRŠINA I
POGODNOSTIMA PLAĆANJA DOSPJELIH OBAVEZA**

I - OPĆE ODREDBE

**Član 1.
(Predmet)**

- (1) Ovom Odlukom utvrđuju se uslovi i način umanjenja naknade i pogodnosti plaćanja dospjelih a neizmirenih obaveza za korisnike javnih površina na području općine Ilidža zbog otežanog poslovanja izazvanog pandemijom virusa COVID - 19.
- (2) Odredbe ove Odluke primjenjuju se na aktivne korisnike i zakupce (pravna i fizička lica) kojima se obaveza plaćanja uspostavlja po osnovu Odluke o privremenom korištenju javnih površina na području općine Ilidža („Službene novine Kantona Sarajevo”, br. 20/14 i 15/19).

**Član 2.
(Gramatička terminologija)**

Gramatički izrazi upotrebljeni u ovoj Odluci za naznačavanje ženskog ili muškog spola podrazumjevaju oba spola.

II - PRAVA I OBAVEZE

**Član 3.
(Umanjenje naknade)**

- (1) Umanjenjuje se naknada u visini od 50% mjesečne zakupnine aktivnim korisnicima i zakupcima (pravnim i fizičkim licima) za privremeno korištenje javnih površina zauzetih objektima privremenog karaktera i sadržajima postavljenim na javnoj površini za period od 01.04.2021. godine do 30.06.2021. godine.

**Član 4.
(Izuzimanje od primjene)**

Umanjenje iz člana 3. ove Odluke neće se primjenjivati na sljedeće poslovne subjekte: osiguravajuća društva, kladionice, privređivače igara na sreću, apoteke, pekare, trgovine prehrambenim proizvodima i kioske.

Član 5.
(Pogodnosti plaćanja dospjelih obaveza)

Neizmirene obaveze po osnovu privremenog korištenja i zakupa javnih površina, a koje su dospjele u periodu od 01.01.2020. godine do 31.12.2020. godine, korisnici mogu izmiriti na jednake rate zaključno do 31.12.2021. godine.

Član 6.
(Obaveza plaćanja PDV-a)

PDV-e će se obračunavati u skladu sa Zakonom o porezu na dodanu vrijednost i Pravilnikom o primjeni Zakona o PDV-u.

III – PRELAZNE I ZAVRŠNE ODREDBE

Član 7.
(Realizacija)

- (1) Korisnicima koji su do stupanja na snagu ove Odluke, sa Općinom Ilidža već zaključili ugovor o zakupu javne površine i kojima je izdato odobrenje za privremeno korištenje javne površine, umanjenje naknade će vršiti Služba za finansije.
- (2) Za korisnike sa kojima se zaključi ugovor o zakupu i kojima se izda odobrenje za privremeno korištenje javne površine nakon stupanja na snagu ove Odluke pa do 30.06.2021. godine, umanjenje naknade će vršiti Služba za razvoj, komunalne poslove i puteve.
- (3) Sa korisnicima koji iskažu interes da svoje neizmirene obaveze izmiruju na rate biće zaključen ugovor, a za realizaciju se zadužuje Služba za finansije.

Član 8.
(Stupanje na snagu)

Ova Odluka stupa na snagu narednog dana od dana donošenja, a naknadno će se objaviti u "Službenim novinama Kantona Sarajevo".

Broj
Ilidža,

Predsjedavajući Općinskog vijeća Ilidža

Tarik Stambolić, magistar poslovnog prava

OBRAZLOŽENJE

I PRAVNI OSNOV

Pravni osnov za donošenje Odluke o privremenom umanjenju naknade za korisnike javnih površina i pogodnostima plaćanja dospjelih obaveza je član 13. alineja 4. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) i člana 86. Statuta Općine Ilidža – Prečišćeni tekst ("Službene novine Kantona Sarajevo", 33/10, 18/16) kojim je utvrđeno da je u nadležnosti Općinskog vijeća, između ostalog, i donošenje odluka i drugih propisa o porezima, taksama, naknadama i doprinosima jedinice lokalne samouprave u skladu sa zakonom.

II RAZLOZI ZA DONOŠENJE ODLUKE

S obzirom na stanje prouzrokovano pandemijom virusa COVID – 19, te imajući u vidu negativne ekonomske posljedice u 2020. godini i u 2021. godini, korisnici javnih površina su suočeni sa smanjenim prihodima i krajnje otežanim načinom poslovanja. Zbog navedenih uslova poslovanja, utvrđena je opravdanost i svrsishodnost umanjenja njihovih obaveza prema lokalnoj zajednici po osnovu korištenja javnih površina.

Shodno zaključcima Općinskog vijeća Ilidža 01-02-1411/21-16.1 tačka 1. od 25.03.2021. i broj: 01-02-1411/21-12a tačka 2. od 25.03.2021. godine, predložena je Odluka sa ciljem ublažavanja negativnih ekonomskih posljedica po privredu na području općine Ilidža.

III POTREBNA FINANSIJSKA SREDSTVA

Za realizaciju Odluke o privremenom umanjenju naknade za korisnike javnih površina i pogodnostima plaćanja dospjelih obaveza neće biti potrebna dodatna finansijska sredstva iz Budžeta.